



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一八二

之溪老生集八卷 先 著 撰

一

正誼堂文集十二卷正誼堂續集八卷 張伯行 撰

一二三

解春集文鈔十二卷附補遺二卷解春集詩鈔三卷 馮 景 撰

三二三

李中丞遺集三卷（詩二卷文一卷） 李發甲 撰

五〇三

之溪老生集

先
著
撰

清刻本 原書版框高一七八毫米
寬二七四毫米

先 著 字渭求，又字遷夫，一作遷甫，號蠲齋，一號染菴，晚更號盍旦子，又稱之溪老生，四川瀘州人，流寓江寧（今江蘇南京）。生於順治八年（一六五一），卒年不詳，康熙六十年（一七二一）尚在世。少孤而羸弱，飲酒不知節制，四十後爲病所苦，遂戒去。擅詩，喜填詞，偕諸名士往來唱和，詩文盛傳於世。又善書工畫，書得晉人遺意，畫精花卉人物。有《詞潔》、《勸影堂詞》、《之溪老生集》。參考文獻：《之溪老生集·盍旦子傳》、《益州書畫錄續編》、《皇清書史》卷一一

盍旦子傳

李氏

盍旦子姓先氏世爲蜀之清江人遷南寧縣復十世矣
好學問而無所成知爲文章而有不逮幼而羸弱飲酒
不知節四十以外爲病所苦因自廢焉性卞急耻隨人
寡所諧合又務分黑白不能諱人之失以是人多嫉而
毀之別字蠲齋欲自潔也又字染菴欲其容垢能自廣
也烏有以盍旦名者嘗夜鳴而求旦夏月毛生五色輒
鳴曰鳳皇不如我至冬毛落如雛則曰得過且過烏之
高自擬而苟爲全者如此意謂小類之故晚更號曰盍
旦子輕其人者以爲天之贊民而愛之者以爲非今之
士云

傳

之溪老生集

卷第一

嚴許集上

卷第二

嚴許集下

卷第三

藥裏集上

卷第四

藥裏集下

卷第五

藥裏後集上

卷第六

藥裏後集下

卷第七

藥裏續集上

卷第八

藥裏續集下

清代詩文集彙編

之溪老生集卷第一

嚴許集上

上新河 漁罾 針魚嘴 阻風登燕子磯 泊

龍潭望攝山不果遊 曉起行寓後園 晴 霜

後集場書所見 由宿遷取陸路浮泗亂淮三百

餘里 長隄三章 入天界西菴 晚眺雨花臺

遊鍾山龍泉菴同田志山徐祖蒼朱福茲僧不

愚 遊攝山 出郊 飯韓府山田家 祖堂

天盤嶺 大歇堂坐月 華嚴閣銅佛 老宿以

德靜室 鹿木居示菴主曙先 曉坐雞鳴寺後

新閣 十四夜宴豐州堂再用月字 已已穀日

汪磴僊邀集彈指閣 題雲寄村莊寄寶應高聖

期式南兄弟 煮筍詩隱名菴中作 明鏡篇

迷懷五首 東坡小圃五咏爲人漫地黃枸杞甘

菊蕙茲其詩作於南荒有憂生之嗟而求助於草

木入春食野菜頗甘偶讀此詩用其韻亦得五首

惟杞菊與公同焉而此采其柔亦有微別者詩成

示同好者味之 麥三岐行 喜雪東董刪齋

贈吳街南 贈程韋華 送別周儀一 贈周岷

公 孤雲篇 不直行 苦熱行 雨金行 絕

望行 蝗來遲 瓊花觀 相公墓 上元日壽

克宏 祈澤寺老樹山後紅葉歌 憶雪浪菴玉

蘭花歌 憶杜老菊花歌 李水樵七十 辛酉

九月九日蔣恭靖裔孫家觀所藏仁廟宸翰同四

明周岷公賦 雪中登觀象臺歌 贈黃吉生

贈艾山補 張實子七十索詩走筆應之 耳情

詠 鮑漢馭齋中紅漆几歌 舟次丹陽汪思雪

以于酒至 南河歎 百歲姬歎 堰北水 堰

南土 弱水行 淮陰侯釣臺 贈荅李湯孫

思蘆村歌送王禹圖歸寶應兼寄高氏兄弟用王

景州酒人歌韻逆押 五馬渡歌 聽盧慧工彈

琵琶歌

之溪老生集卷第一

嚴許集上

思自及于山巖

幼年率意爲詩雜然滿紙不知何者爲是後得交嚴克宏稍知下筆措語然有句而無篇苦於力之不充每舉以示克宏顧多所許可少所裁正心竊疑而問之克宏告予曰譬之良馬當極其馳驟所至極騁而思返然後安於轡勒若氣方長而驟遏之其去驚足無幾矣非予不言懼傷君之才氣也予時感誌其言已而克宏早死同輩分異志意零落中間又以困苦奪之亦嘗妄有意於學問之事然皆毫髮無成於此道初無專功棄之久矣間有一二在人口耳者每聞人舉誦即面熱汗赤不欲承蓋愧生於心而不可強也丙寅夏與友人同寓南園欲爲予手寫之慙惠再三迫其意不可得已乃復追憶舊作而首尾缺略不完者甚多就可記者錄之纔一二百首面目胸臆粗能自識之而才華色澤則去人甚遠矣因題爲嚴許集以曾爲嚴子之所許也抑以見予歲月淡爲可惜虛負良友之言終使其言之不驗耳瀘州先著

上新河

雄關設津要商艘比如櫛我家本江城從未理舟楫新秋方薄遊解纜已暝色陰雲漏殘陽孤洲頗蕭瑟漸與

人煙辭稍被葭葦隔帆開江始平客懷曠彌悅隱隱東向山行行望中滅

漁罾

漁罾接港口三四棲寒潮逆風牽半帆欹側不得高就港買魚鮮倚立見江臯村居有蒲柳早日開林梢淺水操壺簞競涉無乃勞生涯若羣漁行役應我曹

鉞魚嘴

岷江挾漢俱奔馬數千里盡趨至建業其下匯揚子東流北折間歷陽勢初迤飽聞鉞魚險實隘怒流水微風吹魚腥浪花蹴船起篙師失從容呼吸異生死對厓石壁湫湫激此焉委植柳岸土崩架屋居人徙我程逾三

之溪老生集卷一

三

日水宿淹行李未至怵心志艤舟詢舊址陵谷變有時江山險寧恃晚港眺思賢名港煙樹亦何邇颼颼涼颼發羨極來帆駛隨行半吳兒清歌逐雲靡橫笛裂初更愁心少爲已

阻風登燕子磯

曉雲未放日江光亦何暗却舟登危磯孤亭揭奇觀來帆渺然稀去楫不敢犯肅肅東風驕初程遂留戀新蘆長未齊麥秀已苦爛昔行逾一紀景物有更換山城樓岿巖石壁寺蔥蒨辛苦齊梁波鐵索水中斷

泊龍潭望攝山不果遊

津亭樹欲暗客帆雨猶溼回首望攝山已與雲相失靈

山繫清夢徵君有遺宅藥草可願生采采無由得已辭
風浪險豈憚登陟力擬遊詢樹人將旦辨天色

曉起行寓後園

柿葉盡黃赤林中獨來看荒草如線纏寸寸秋泥斷陰
雲動彌旬晨色雨猶暗果蔕委平畦寢處蟲強半剝棗
伊何時觸熱體露汗荏苒金商移客子積愁歎沮如屋
後池頗有鵝鴨散播種聞唱歌擡頭過鳴雁

晴

濃霧不作雨野日烘然明高樹無數行枯者蒿萊平集
樓南方曰墟勢聯絡焚燬如堅城年豐臥樓上凶歲防
以兵遙隄利修築曲折依河形積水停四周淤土百穀

之溪先生集卷一

三

生村醪無時酤卯酒娛父兄力作多婦人童子騎羊行
久客慣耳目嬉戲隨人情良由方土殊拙悍風俗成

霜後集場書所見

霜重白於雪澤腹方漸堅朝陽冒寒升力怯如不前須
史霜氣解莊舍生微煙集場有期日負擔行相連驅逐
但羊豕米菽高索錢鏗鏗牛鐸鳴逸兔竄平田旅愁亦
易悅媚眼無山川遇晴即強飯風雨昏昏眠

由宿遷取陸路浮泗亂淮三百餘里

避凌別黃河踏凍走淮泗積雪迷免踪孤陽纏悲氣艱
哉桃源邑數里空村閉河徙非一朝灑澹鮮淡計奔命
疲河防生理久憔悴青陽鎮以南睇覽有可慰包裹層

岡來真氣一都會地拔未出峰脈往已成勢晚程泗水
涯塔禿不能銳西風偶然休天墻星影碎淮甸多雄風
屠埋昔焉萃我行惟蕭條凜冽起長嘯

長隄三章

長隄一聲雁洪河千里水水遠流無停雁微聲忽止始
來花發生久住草枯死辛苦憫居人河身屢遷徙
河決不待雨雨多河勢危木落不待風風高木竅悲秋
風苦吹樹樹已無留葉秋雨能汎河河今阻歸客
河涸客方來河汎客難去秋水忽浮空傾流向東注濁
河日以強清淮日以弱船在城頭行海是誰能鑿

入天界西菴

之溪先生集卷一

四

新綠投我目緩步不自主郊南草茸茸山路方過雨三
年寺門居略識寺中樹西菴得溪搜曲屈數百武徑口
別鐘聲莫辨日亭午蒲塘水暗溢垂柳煙縷縷菴前娑
羅樹名香古屋自撐拄孤花未辭枝怒笋正穿土動搖中
庭色空翠欲攬取名藍三十六殘毀難具數萬松名兩
爭幽佳景猶可觀花藥缺宜栽籬壁敗當補聽此鳥聲
甘忘却茗飲苦

晚眺雨花臺

古臺覆秋雲晚步帶殘酒西風吹平原林木失森秀乘
高一環眺山勢若趨走江遠天欲吞寺密地能受雄城
起吾前峻塔接吾肘樓殿何鬱盤岡巒自纏紐舊都百

萬戶繡錯市廛有長干諸女兒曲成今在否勝湖六朝
餘感從百年後但覺草木衰莫知人骨朽須臾暮色沉
搔髮立難久朗然浮金鏗煙鐘一聲吼

遊鍾山龍泉菴同田志山徐祖蒼朱福茲僧不

愚去庚戌
十八載

高山久已童真氣猶然紫黎庶許來過悚立不敢視鑿
脈當秦年愚妄徒爲爾足知神宮安靈異諒非詭誌公
遺舊藏定林劇遺址龍泉創菴居蓋自己酉始左上一
道微窮覽靡所止長江繫腋菊衆山承足底天闕不回
頭堯世容洗耳報恩獨雄麗碧殿聳雲際浮圖插清霄
風欲蕩之起茲遊屬九月肅爽天宇美輕霜未改葉弱

之溪先生集卷一

五

草有先死槎枒亂木間石如欲落齒斗下可測窺直造
難平履搜奇捫懸厓園茶新發蕊溪刻徑尺書損剝辨
形似體勢疑平原嚴重不跛倚隱見洗兵馬上所有以
意測文旨胡爲巖谷間銘功乃在此猶餘乾道字名姓
莫能紀想見宋轍南遊跡無虛畧我素疲兩足濟勝劣
餘子一朝鼓興往先奪健者壘爲詩速衆和後約有可
恃楓樹攝山晴未往已心喜

遊攝山

溪松震天來山勢朗然豁土草未透青春氣殆全脫寺
門幽已極雲日相壅闕古殿交寒陰澗響自空落闢地
誌南朝兵火莫能奪石徑緣山窮左右翼而達奮首前

之溪老生集

出峰目往足焉過甘泉無時竭靈苗待人掇大江動其
後終古洗空濶勝遊屢見阻及此慰飢渴淮北培塿觀
去去夢難割

出郊

秋氣不在溪山遊已堪約驕陽斂餘威林木未黃落我
友偕至門輕裝興難遏童子肩一尊所急在杯杓亭午
日微陰山風颯然作前登石子岡橫雲淡松未

飯韓府山田家

莽蒼近郊色十里已告疲道旁逢所知邀客穿田蹊槿
花冒紫藤棘刺牽人衣門前栗樹高亂石垣牆卑茅堂
具雞黍笑指酒滿甌手香剥新栗不覺日影移起別仍
導送款曲淡致辭那知此農村遠與塵世違

之溪先生集卷一

六

祖堂

融公惟晏坐夏北冬山南道場傳千年虎跑流泉甘昔
時榛莽區屢代名賢揆迴合勢阻幽一面浮朝嵐何年
野火焚失却西峰龕

天盤嶺

野田棄疲驢七里陟修嶺負手石路間數盤歷幽靚山
椒得危亭行者喘初定歸樵望鴉巢暮色失山影轉嶺
稍就平縮足遵微徑蒼蒼寺門松鐘聲不出頂

大歇堂坐月

薄雲散初更老樹擁門左虛堂悄然心敗葉一聲墮有

酒不肯留月那能卧披衣遠殿庭熒熒微佛火更欲
啟松關山寒早下鎖

華嚴閣銅佛

高僧手範銅人與事俱妙意匠入精微能奪繪者巧偃
背雪山癯廓然方悟道罽繡裹兩肩屈足伸指爪憫默
對衆生真氣溢毫竅寄言瞻禮人此是山中寶

老宿以德靜室

白雲生足底衆山到窗前飛鳥雜梵聲一室忘歲年恩
公幾世孫雪浪恩公老病罷講筵養母還山中拾薪烹寒泉
宗徒久寂寞誰復張獅絃歌絕鐘鼓音遠想牛頭禪

鹿木居示菴主曙先

銀杏抱奇癭密葉蔽堅元豐九域志象州歲貢鐵樹
念珠而韻書無此字山中
櫨子櫨子浚松層坡陀山氣日遷變開軒霧露消石塔眼中
見半生慕茲山身到但嗟歎相期結夏來伏暑閉經院
耆舊雖凋殘景物堪把說名藍愛詩僧爾其勤筆硯

曉坐雞鳴寺後新閣

薄日能弄晴曉烟淡芳樹山寺拔地高推枕聞鳥語正
逢桃李時花滿欲無路綠疇望不齊土脈奮甘雨臺城
非昔址新成閣雄踞窗中潑湖波小艇若鳬鶩春氣喜
輕陰遶蹤厭亭午我攜宿醒來孤坐不能去

十四夜宴豐草堂再用月字

春雲嫩於膚翠者天之骨佳節張明鐙屢夕得好月光

華旣非常將滿不虞缺虛堂橫疎梅困夢夢邊發酒點
襟袖多如雨猛浮白盛時存紀述車馬豔殘雪暖火吹
柔笙微風掠修髮而今鮮所期見月領溪哥一輪在來
宵逸興已奔突

己巳穀日汪磴仙邀集彈指閣

南山多香林方外惟一老性情不諧人託跡比孤鳥自
從移巾瓶勝義屢搜討我友勞見招可以豁懷抱春凍
猶未回生意在幽草

郊居靜耳目曠然欣人烟言笑誰過從景物當新年久
辭世俗飲獨耽文字禪遠峰見微白餘雪留眞妍俯仰
懷六朝淵嘿傳晉賢

之溪先生集卷一

縱橫鄰院樹屈指春能花小萼如絳脣冷豔含朝霞未
開空悵望已落隨風沙一聲山磬鳴暮色歸林鴉何妨
梧蕾時看到初月斜

古時田子方異代得之子同心有違言不以水濟水忘
形方外人相向無彼此交情匪貌合書法貴神似志山
工書
故語及市朝間直欲塞兩耳

霜濃作春寒地滑解朝霧屋後開離門歷歷眺煙樹古
臺枕南岡天花昔時雨旁有方景祠下有傷心路贊公
意飄然更欲向何處

攜尊人日後促膝冰雪中松竹自青蒼未嘗違化工即
今不爲歡造次成老翁鞭春接元夕爛漫花鐙紅感君

重訂期偶爾難必同

高閣面鍾山道人凝眼看雲氣時卷舒肯作尋常觀歲
朝附爐火坐久知山寒春回莫鍵戶花發當憑欄虛語
憐昨秋有月思無還

題雲村莊寄寶應高聖期式南兄弟

白沙風濤昏柘溝帆檣渺弟兄依水濱遠遊夢周道中
原無人居桃花顏色老沮洳聞誅茅魂魄就號召四海
一子由如君同氣少

有室蒲葦中野鳬日飛飛秋霖浹常憂禾田生理微辨
水溝塍間淤有黃河泥河淮久并入清濁難自持牽牛
聊復飲此是東海湄

七溪老生集卷一

九

塗茨蔽風雨抱書相與守夜長發商歌星光隙穿漏勿
悲年運舛所得良已厚耦耕既偕兄饁餉復呼婦藏身
吾未能歎息重回首

城隅執手路柳影吹春風灼灼牡丹花資福門前紅江
帆一飄落良會非偶同今時得數子亦足以自雄別來
方經年日思浮孤蓬把君卷題字惻愴開心胃十年付
糟丘鑒我愁形容糟丘豈得已視彼天夢夢

英英君子儒末代見洪子苦無百畝田篤信三代事要
君兄與弟將家避人世飢驅走空祠牧瀆堂中位來者
未可知存者老將死我雖頑鈍姿未敢輒衰止印須切
中懷斯言如白水莫春洪子來飄飄適楚地厚願那可

諧彼此迫身累君其果寧居雲亦暫爲寄

煮筍詩隱名菴中作

活火吞怒風鼎中作暗沸道人清耳根先領沸中味素
瓷點白湯映手喜光膩新筍出家園剝土及時貴白如
女兒膚肥於小兒臂所奇筍無骨層苞卷春氣幾日饒
雨風山家靜無事清腴甘淡間不復問鹽豉詩僧清晝
流誅茅城北地屋不足十間萬竿皆手植令我髮俱涼
令我耳俱翠偶聽黃鳥來一飽不思議客與老僧期口
腹抱溪媿參尋玉版師勝於求果位不似乞食人亂索
遠公醉

明鏡篇

七溪老生集卷一

十

銅壺吐銀箭黃姑隱難見天河亦將斜隱隱挂長練嫦
娥夜半起驅雲掃官殿人間望圓鏡終古此光豔離天
纔半分與水差一線微有頭髮痕照不及人面此時穿
曲欄此時入淡院若非下階拜即便捲簾看惜無人同
觀徒令露中歎

述懷五首

鳳飢莫能療麟窮乃遭斃古來不遇人老死多憔悴元
精無羸虧天道甚幽閔欲測昧所由端居起嚴畏民生
失依賴卑高爽其位溷濁旣已然吾將練真氣
勞生百年內犯此人之形形化識未忘精魂猶營營一
身爲豚犢萬念求犧牲雖有賢智人惟與憂患并不能

棄人紀焉得辭天刑絕類廢羣生造化難為情已矣何能逃安之蔑所爭

謂高有不見謂淡有不聞否閉非一時陷溺因至今簡編自聖口斯理恒具陳不見沍寒後必也回陽春天心惟一軸進退開神明秉照苟不移坐待光華新

吾悲謝臯羽徜徉東海垂提攜竹如意擊石歌紛披運去夫何為所志在南枝三復冬青篇風雷凝苦詞

吾愛宋景濂逶迤養白日撲窮經術淡妙有觀時識人高枚馬傳業富金石筆將老逢昌期遠死非所惜

東坡小圃五詠為人藎地黃枸杞甘菊蕙苾其詩作於南荒有憂生之嗟而求助於草木入春

之溪先生集卷一

土

食野菜頗甘偶讀此詩用其韻亦得五首惟枸杞

菊與公同焉而此采其柔亦有微別者詩成示

同好者味之

薺

百物死玄冥蒙生乃冬底凍雪壓壟畦暖於沃甘醴厥品肥者佳頗亦願道體拔之土餘膏潔之水有泚笋羹餽飪間相得如孔禰開花上巳日簇簇成粉米戕生衛飛蛾似保手足啓歲甘欲先生師曠云歲欲甘甘斯言草先生薺是也得根抵豐年苦草後饑饉瘡痍洗早母金石流浸母使天稽

枸杞

扶衰仙人杖服食能益人摘苗可吾口未暇資吾身潛雷醒萬象生意方振振牽條取柔滑細鳥鳴芳春歸來理湯社汲水然松薪丹實耀秋冬可以漬清醇宣行芋性滯暢遂文無辛芋地黃文無當歸也何如此時薦茗熟尤見珍餘甘出微苦髣髴生瓊津晝長靜無事坐遠飛花塵

甘菊

陶公愛霜花本性在田澤餐英見湘纍不救空腸厄方書重功用品豈亞天棘我非二公儔嫩葉但小摘初生歎其柔竟爾持晚節清涼風味殊無有堪比物佐飲難獲多况欲啖佳客下視三春蔬未脫泥土質秋妍盡野種按譜可求索對酒聊復能且以除目疾

之溪先生集卷一

土

首菊此野草非北種也

夜雨入東郊含滋土逾好青青抽短莖常恐數日老田婦羣相呼盈筐惟此草采之棄其餘不惜踐踏倒腰鎌五六月千頃綠如埽塞北畜牧肥徒逐為至寶種隨天馬來歌咏侈文藻至今千載後異類不枯槁野草亦專名叢生滿官道觸物有足傷識微苦弗早

薺蒿

蘆笋欲穿芽莫若薺蒿良楊柳初懸鉞亦制河豚傷采繁事鬼神風詩久銷亡李時珍本草薺蒿繁也澤生者是左氏蘋蘩藎藻之菜即指此類春雲沙川澤彌望將挺長踰時不之刈眾草同穢荒寬中氣調達用可儕檠柳恒為酒人愛旨蓄隨饑糧芳

新得爲如軟飯吳粳香生菰寸餘白一變腥羶腸從茲
鄙肉食藜藿有輝光

麥三岐行

辛亥冬江南大饑死者無算越明年有以瑞麥告
者

我生苦觀居天運有伸屈往來驗愆和事事皆在目有
如草木微聞見繫幽獨久矣元化心難以物理燭去歲
秋禾災千里無寸束野草兼充腸曾何辨人畜酒肉臭
朱門爲歡方不足郡縣朝暮衙何嘗止鞭扑有司議飢
民故事賑之粥中夜犯霜露平明啓城出擁塞道上人
顛頓向溝瀆兒女滿身啼夫壻隨後逐黑沙覆却面忍

之溪老生集卷一

三

死自羞辱少者美姿容老者髡髮禿彊者更狼藉弱者
每空腹官錢飽吏胥富室恡瘡肉所全能幾何有身無
處鬻淮揚連歲水田舍半漂沒往者利甌已識爲魚鼈
窟及今六十年昏墊日窮蹙斯言倘然徵無復見陵陸
火殃迫金陵焚燎徧廬屋府治傳前朝一朝蕩回祿反
風何能然瑾竽亦無術嗟哉焦爛餘未必綠薪突天災
莽縱橫回首肌爲粟嗚呼天仁聖漢潛廣所蓄竟遣東
風來又作陽春燠二麥不自由離披秀將熟驟然挺三
岐有意爲民福人謂彼蒼老惠逆多反覆吾謂彼蒼遠
遲遲筦機軸巧愚同一機禍福妙倚伏吾民留有爲忍
靳食不育將無百年妄諒可七日復紀事貴莫忘聊示

達者讀

喜雪東董刪齋

無田願年豐有疾愁肺熱今秋旱非常山居水泉竭非
惟槁禾苗亦且焦喉舌旦旦日氣黃月魄如殷血天垣
掃星光雲勢益驕絕書生有聞見未敢以爲波旱者兵
事先或恐成一說長至山行歸次日猛飛雪溪厚尺有
餘老屋棟堪折來年蝗入地霑露應時節未知天意何
且欲有飯啜近交廣川翁全與世情別晚糲得微收新
釀頗甘冽招我雪中來豈畏泥沒轍杯香寒無威雪明
燈可滅吾身幸苟全識者鄙計拙

贈吳街南

之溪老生集卷一

四

微言久榛蕪俗學那可詰遙遙千歲期自顧如有失生
逢天運移挺挺守窮厄少壯志則然垂老就專壹陶巾
且在首管榻亦穿膝通都念人才輕舟偶來客餘年踏
江淮堅木鏤文筆說事恒涕洟高會亦淒絕清尊無城
邸相向各有述歸與不重來溽暑方執熱敬亭千尺雲
下有茅茨室莫歎目力衰坐待崦嵫日

贈程韋華

澡身欲無疵禮義何其勞良友崇明德養志甘蓬蒿木
彊遇世事直諒稱吾曹風雨環柴荆冷煖驚緼袍豈不
羞貧賤紛華逐時髦有母不敢出歛聲畏名高與子白
首期勸勉非一朝君年已成立余業猶漂搖洵洵比有

聞憂端來中宵不怨天步艱兵戈恐無聊飢寒各將母
何地爲樂郊入春雨雪愁花鐙咸寂寥相見不成懽無
計謀春醪莫以年蹉跎脂韋易前操但保北堂萱隱矣
時相招

送別周儀一

男兒貴遠遊十載兩足羈卑棲破屋下何日當伸眉維
揚競奢華託足非所宜且喜近爲別遠遊當始茲短劔
肘後繫殘書笥內隨江飄興勃勃長揖與我辭束髮希
古人開門覓心知四方上下索鳩鳥爲予媒憶在丙午
歲是爲訂交時王生扶九即長夜埋玉令人悲嚴子神明
存病骨猶能支彼得我爲友吾得彼如師癡心爭造物

之溪先生集卷一

五

要使千秋垂霜天共被宿春朝連袂嬉良會太爲密不
覺天妬之辛亥哭克宏牀下立孤兒郊南五尺土宿草
今離披心傷存歿際更慨交道瀉曩時四五輩白黑生
參差消磨餘爾我猶恐末路睽干戈鬪兩載天心已可
窺努力奮泥塗母爲習俗移江干握手送柳欲迴青枝
襟水豈云遙風雨勞夢思

贈周圯公

高才復早遇有命焉敢違胡爲今日逢戚戚猶苦飢明
府東越英蔚挺珊瑚姿讀書在田間小髮知文辭氣力
常兼人垢面盥不施十八登賢書廿五魁彤擢姓名在
人前未使終賈嗤自矜腰裏步抹影風能追何有太行

艱困頓傷遠遛辭家受吏事綰篆憫窮黎桀驚海邑疆
淬刃將刺犀那知世網密誤恨官秩卑遂有鄒陽書禍
害方迫肌一身異飛躡十載判雲泥厚幸出膠東躑躅
淮水湄兵戈淹旅食坐卧悲吟詩亂定歸故鄉親老生
產微牽衣不得住裏束舟楫隨前歲渡黃河瘦馬中原
馳昨歲遊西秦泰華峰頂窺行行復三載客路風雨欺
遇我舊京城握手成心知冠蓋寒燕臺稽古多榮輝紛
紜著作會大雅誰見推頗聞論者意三秦移是非放筆
光熹朝棘手多所遺如君負才雄擯落且後時竟少公
卿援文采空爾爲喟然發長歎升沈寧預期貧賤不可
居患難君若斯

之溪先生集卷一

六

生乏鄉曲譽恥與曠者親獨有素心人千里通殷勤賤
子稚也孤五嶽胸嶙峋浩涕忤天心狂嘯驚時人因之
衆所棄動影危吾身憶昨歲云除有夢開精神傳示證
山詩欲面猶無因伏暑毘陵來訪我於西鄰炎歊得良
晤聚首逾十旬秋壇問齋房零落鐘簾陳陵關無松枝
帝業消荆榛添鐙止荒寺蟲語喧夜聞城北一裘回廢
址悲橋門高臺象緯失十廟餘堅珉寂寂玄武波飛飛
鳬雁群分題但感愴說事惟酸辛惠我囊雲集高潔鮮
比倫囊雲君之從祖父貞靖先生齊曾話我江都破恨
血青燐燐江都令志畏城破日死於城河相從必信宿
薄飲沾吾脣嗟予困半菽託質如輕塵俯仰羞榮名歲

月甘沈淪勉副君子交庶以德自振孟冬天氣暄告別
催車輪霜楓赤如火莫遣愁髭銀撫景留壯年護屈猶
當伸揮手睇霄雲含意何能申

孤雲篇

木末山方正學祠有以李太白敬亭山詩爲聯者
曰衆鳥高飛盡孤雲獨去閒余異之爲賦孤雲篇
賴有斯人抗天地不放綱常劃然墜史冊無煩贊一詞
販夫牧子還流涕聲聲但問成王在十族株連已菹醢
八旬老佛虛歸來三百年終天道改衣冠紛紛降且拜
南北同時家事壞我知此心斷不回不繫遜國繫今代
何人弔古空山春徘徊祠墓傷荆榛高飛一時歎衆鳥
取此十字傳其神惟有孤雲真罕匹矯首從之去無跡
有時風霾霧露堂上清不看孤雲看紅日

老佛事本鳥
有蓋碑史之

不直行

丁未二月十有五日子璵韋華同日別我一之吳
門一之廣陵至重九後子璵始歸以是月之望同
宿於祖蒼南樓克宏與焉是夜祖蒼以事先返儀
一以家難不至予三人作聯句抵三鼓句成輟而
縱談歡甚予自以爲聯句不盡此會情景乃補作
一詩并寫寄韋華於廣陵他日儀一見之戲予曰
是夜大費主人酒食子詩徒作長語償一壺酒且

不直予笑應之曰有是哉又聞之昌穀行體疏而
不滯即命之爲不直行可

有客有客氣如虎別我正當春十五樓遲未是出門人
走向天涯不如賈北風蕭蕭透輕葛九月他鄉不堪著
買舟急向京口來連日風濤受驚愕推門揖我破屋中
兩人相見顏色同自家有事道不得且問他人窮不窮
游子歸來菊花放數日清談頗酣暢有心看月月竟圓
急起邀人宿樓上去年欲看南樓雪今夜樓頭對秋月
貧中一會萬千難南樓亦是經年別南樓主人清拔俗
曉風殘月爛詞曲弱年蚤不妄交遊自喜庭前有花竹
酒醖茶瓷十餘樣三座參差各相向主人已起客在樓
任意談諧戒爭讓尖團壯蟹膏盈殼透鼻腥風饒得藥
河豚直好作蒼頭兩手持螯成大嚼此時月起猶未起
敗響枯聲吹不已荒烟野霧分不明直在蒼蒼樹陰裏
童子煎茶沸初作謾謾松風解煩渴秣陵燈火出長干
一塔琉璃結花萼初宵月起照人面鍊影磨光繞一線
少時漸被薄雲埋著意尋之尋不見先生叉手背燈立
嘈嘈雜雜有如泣生來自負第一流獨在人間抱奇癖
嚴生漂泊稱迂腐守定殘書費辛苦長腰濶背曲如彎
醉後能爲垂手舞徐子高堂待升斗斬斷情根亦何有
不向雲間訪麗人仍返金陵戀朋友登樓今夜成三客
月乍圓時頭正黑相逢不肯盡餘歡又向何時歎離別

爛醉爲詩滿長紙粗豪讀之無詩理直是平生一片心
欲使青蓮少陵死嚴城急發三更鼓半夜詩成月方吐
亂雲入樹山已頽四壁濛濛溼如雨玉繩遙遙燦當戶
銀河望望渺難渡杯底清光應更多斫取宮中桂花樹
老樹年深正遮屋枝枝直欲排闥入夜殘酒醒詩興闌
冷影涼陰刺人骨倦來欲臥不成臥掩窗袖手擁衾坐
扁舟爲說太湖奇龍洞如從蓬島過龍洞在太湖中水
洞始露夏大旱于
遂至吳因客子精神馬蹄疾老衲慈悲木魚急聞聲入
耳氣復雄月落今朝是何日吾終拂袖歸峨嵋但知踪
跡來相追已從宇內逢君輩再有雙眸看阿誰

苦熱行

之溪老生集卷一

无

六月苦熱不可當行者喝死官道旁轉移運化維炎皇
我欲告之無舟梁珊瑚海底枝枝沸豈有洪爐鍊天地
多應十日九復生昇死人間無所畏君不見南方獠獠
吞檳榔女兒年老無風霜又不聞邊城水電傷牛羊健
兒六月手足僵丈夫有足苦不長一身何能備炎涼空
思坐捲崑崙水臥對峨嵋積雪光

雨金行

皇天震怒牛斗墟連歲降殃民爲魚今年火災被建業
不雨始自三月除先焚府治次井邑官失廨舍民無居
此時畏罪走魃躡迎神名巫下甘澤惟官祈天天不回
終日望雨無點滴皇天視民如嬰孩暫加譴責心實哀

果然大旱不過十三日俗謂大旱不
過五月十三黑雲奔突從西來
颶風鼓檐作虛勢入夜滂沱沛然至傾盆一日猶未休
溪流數尺少平地歡呼頓使米價平喧天插秧聞鼓聲
我雖無田切望歲不禁喜作雨金行頗聞淮揚之水今
仍前死亡百姓誠可憐天公有意赦此國何不鞭龍退
水爲良田皇天煌煌苦無語長吏正攫官私錢

絕望行

五月一雨不復雨八月不收馬望收農民轉死不知所
城中旦暮屠耕牛歲豐無田且艱食徒見人飢嘆何益
少陵盡是掃跡交枵腹焉能過三日

蝗來遲

之溪老生集卷一

手

蝗來食禾禾已死禾既旱死食禾根禾未盡死尚有望
因有蝗來無一存天奪吾民與蝗食民之殃今蝗何匿
蝗多禾少蝗來遲不獨民飢蝗亦飢

瓊花觀

河傳一上烟蕭蕭柳堤不見郎舟遙血魂挽衣不歸去
逐夜乘風聽玉簫二十四橋來往滿美人西望音書斷
瑤臺奪得奉天皇寒食無人與香飯白門開門走天子
千年王氣消如水相公掇甲來護城可憐盡作瓊花死
蒼頭道士勤掃宮昔時臺上栽海桐海桐若死瓊花出
十八郎君來逐鹿

相公墓